

Bergen, 21.01.22

Vår ref: 2022/12
Sakshandsamar: Eirin Kongestøl Espeland

Dykkar ref: 21/18757

Fiskeridirektoratet region Vest

Masfjorden, lokalitet Leirvika – anleggsendring – uttale

Viser til brev av 17.12.21 og 04.01.22, med vedlegg, frå Fiskeridirektoratet region Vest om ovannemnde sak.

Fiskarlaget Vest har sendt saka til Nordhordland Fiskarlag.

Generelle merknader

Fiskarlaget Vest registrerer at ein får mange søknadar om endring av lokalitetar, auka biomasse på eksisterande lokalitetar, samt søknadar om nye lokalitetar. Mange meiner at eitt lite enkelt prosjekt ikkje kan skade, men mange nok avgrensar tilgjengeleg areal for fiske bit for bit. Det er viktig at forholda blir lagt til rette slik at norske fiskarar fortsatt kan skape verdiar av fiske for spesielt kystsamfunna våre. «Sjøvern» er like viktig for fiskerinæringa, som «jordvern» for jordbruk.

Styresmaktene må ikkje føre bit-for-bit-politikk. Ein må vurdere heilheitlege effektar og kva eit større område toler av akvakultur, i tillegg til anna utslepp til sjø. Styresmaktene må definere kva som er akseptabel negativ innverknad på anna næring.

Akvakulturnæringa må velje gode lokalitetar som ikkje er i konflikt med andre næringar, slik at ein ikkje forureinar eit område for deretter søkje om ny/justert plass. Ein må **unngå** både **arealkonflikt** og forureining/negativ påverknad på **viktige økosystem og fiskeriområde**.

Akvakulturnæringa må vere bevisst på bruken av midlar til avlusing og sjukdomsbehandling. Det er påvist at kjemiske midlar mot lakselus òg har negativ innverknad på marine krepsdyr: <https://www.hi.no/hi/temasider/arter/lakselus/miljoeffekter-av-lakselusmidler> . Desse effektane kan òg indirekte ha innverknad på andre artar i form av svekking av økosystem.

Ein registrerer at det er forskning på alternativ lusebekjemping utan bruk at kjemiske midlar. Det er derimot viktig at ein igjen ser dei heilheitlege effektane. Ein må vere bevisst på anna typar forureining som til dels lyd- og lysforureining, som kan påverke vandrings- og åtferdsmønster til sjøartar.

Akvakulturnæringa må sørgje for at arealbeslaget på sjøbotn, i form av fortøyingar, blir avgrensa mest mogleg. Ein ynskjer å peike på at bolting (ikkje boltar som fiskereiskap kan hefte i) kan avgrense ankringsområdet.

Det er viktig at akvakulturlokalitetar og tilhøyrande fortøyingar/fester som ikkje er i bruk, blir fjerna. Med dagens fokus på plastforureining i sjø må ein òg førebyggje mest mogleg. Det kan vere dyrt og vanskeleg å rydde opp i ettertid.

Leirvika

Anlegg er godkjent for lakseoppdrett med 4 merdar og tareanlegg på 120 DA. Dagens lakseanlegg består av ei 100 x 300 m ramme med plass til tre flytekragar. Det blir søkt om utviding av lakseoppdrettet til 5 merdar og utviding av tareoppdrettet til 370 DA.

I Fiskeridirektoratet sitt kartverktøy er det registrert gyteområde for torsk og lange, område for passive reiskap og fleire kaste- og låssettingsplassar (indikerar notfiske) i/ved området lokaliteten, inkl. fortøyingar, ligg. Det blir òg fiska i område som ikkje er registrert. Ein har t.d. «nye» fiskeri som leppefiske og fiske etter sjøkreps.

Ein føreset at utvidinga ikkje vil leggje større beslag på fiskeområde og at fortøyingane blir avgrensa mest mogleg.

Endringar ved anlegget må ikkje føre til auka negativ belastning på det marine liv. Ein visar til dei generelle merknadane i høve bruk av legemidlar og kjemikaliar. I tilknytning til gytefelt er det spesielt viktig å vere føre-var og strekke seg ut over dei absolutte krav for å unngå negativ innverknad på omgjevnadane.

Fiskerinæringa er basert på fornybar biologisk produksjon, og er difor avhengig av eit reint og produktivt kyst- og havmiljø mest mogleg fritt for miljøgifter, framandstoff og legemiddel. Ein har eit stort felles ansvar, både nasjonalt og internasjonalt, for å oppretthalde eit reint og produktivt hav. Det er avgjerande for kvalitet, omdøme og marknadsverdi for norsk sjømat. Det er viktig å førebyggje då det ofte er vanskeleg og dyrt å rydde opp i ettertid. I tillegg er ein avhengig av å ha eigna areal å fiske på.



Med helsing
Fiskarlaget Vest

Britt Sæle Instebø
Dagleg leiar

Eirin Kongestøl Espeland
Rådgjevar

Kopi pr. mail: Nordhordland Fiskarlag
Masfjorden kommune
Alver kommune
Statsforvaltaren i Vestland
Vestland Fylkeskommune

Brevet er godkjent elektronisk og blir sendt utan handskriven underskrift.



